

**IMDi**Integrerings- og
mangfoldsdirektoratet

Modalen kommune
Postboks 44
5732 MODALEN

Dokumentnr.: 22/39087**Dato:** 25.11.2022

Oppmoding om busetting av flyktningar i 2023 - Modalen kommune

Integrerings- og mangfoldsdirektoratet (IMDi) ber om at brevet vert distribuert til:

- Ordførar
- Kommunedirektør/ byrådsleiar

Dei store inntøystane av flyktningar frå Ukraina sidan mars gjer 2022 til eit ekstraordinært år. Som følgje av situasjonen i Ukraina ba IMDi alle kommunar om å ta imot til saman 35 000 flyktningar i 2022. Samtlege kommunar har vist ein positiv busettingsvilje og har til saman vedteke å busette i tråd med oppmodinga.

2022 har vorte eit rekordår. Det har aldri før kome så mange flyktningar til Noreg, og behovet for busetting har aldri vore større. I tillegg har busettinga vore raskare i år enn på lang tid. Modalen kommune har gjort ein svært viktig innsats i arbeidet med busetting og integrering av flyktningar og funne gode løysingar i ei krevjande tid.

Situasjonen knytt til behovet for busetting er prega av stor uvisse. Det er uklart kor lenge krigen i Ukraina vil vare og kor mange som vil kome til Noreg, på kort og på lengre sikt. Samstundes er det venta at inntøystane vil vere store også i tida framover. Noreg skal også busette flyktningar frå andre konfliktområder i verda. Difor er det samla behovet for busetting venta å vere særskilt høgt også i 2023. På bakgrunn av dette oppmodar IMDi kommunane om å busette til saman 35 000 flyktningar i 2023.

I året som kjem vil kommunane nok ein gong spele ei nøkkelrolle i korleis Noreg handterer den største masseflyktsituasjonen i vår tid. Talet som kommunane vedtek og gjer tilgjengeleg for busetting, vil framleis ha ei avgjerande betydning for vår samla evne til å ta hand om flyktningane som kjem til Noreg. Vi oppfordrar difor kommunane til å fatte vedtak i tråd med oppmodinga.

Oppmoding for 2023

Prognosane viser at behovet for busetting i 2023 er berekna å vere om lag 35 000 personar. Talet er samstundes særskilt usikkert. Risikoen er stor for at behovet kan endre seg raskt i begge retningar. Det er difor viktig at kapasiteten til å busette flyktningar kan justerast i tråd med

behovet. Behovet for busetting av 35 000 gjeldar for heile året, og flyktingane vil busettast gjennom heile året.

Arbeids- og inkluderingsdepartementet har fastsett eit sett med justerte kriterier for 2023 som legg føringar for korleis det nasjonale busettingsbehovet skal fordelast mellom kommunane (sjå IMDi.no). Det leggjast i år størst vekt på kapasiteten og tenestetilbodet i kommunane. Det tas utgangspunkt i fordelinga frå mars d.å. og erfaringar frå busettingsarbeidet i 2022.

IMDi har fått innspel frå fylkeskommunane i arbeidet med fordelinga av oppmodningstalet til kommunane. Kommunesektorens organisasjon (KS) har gitt innspel og tilslutnad til fordelinga.

Med bakgrunn i dette oppmodar IMDi derfor Modalen kommune om å busette til saman 20 flyktingar i 2023.

Plassar som ikkje vart nytta i 2022 overførast ikkje til 2023. Personar som er søkt ut til kommunen i 2022, men som først vert registrert som busett etter årsskiftet, vil telje på kommunens vedtak for 2023. Dette er ei vidareføring av gjeldande praksis. Kommunar som har unytta plasser i 2022, kan etter visse vilkår søke om kompensasjon for desse plassane. Les meir om dette her: [Om tilskuddsordningar | IMDi](#)

Svar på oppmodinga

IMDi setter pris på innsatsen som kommunen har lagt ned i arbeidet med busetting og integrering av flyktingar i 2022, og ber om svar på oppmodinga om busetting i 2023. Vi ber om at svaret tek omsyn til følgjande:

1. Det må kome tydeleg fram av vedtaket dykkar kor mange flyktingar kommunen vedtek å busette i 2023.
2. Vi oppfordrar dykk til å fatte vedtak i tråd med talet det er oppmoda om.
3. Vedtaket må ikkje inkludere familiegjenforeina eller innehalde andre reservasjonar.
4. Vi ber også om ei vurdering av kor mange fleire flyktingar (kor av einslege mindreårige) kommunen potensielt kan busette i 2023 viss behovet aukar.
5. Vidare ber vi om ei vurdering frå kommunen av kva som skal til for å oppretthalde ein høy kapasitet for busetting i kommunen.

Frist for å svare på oppmodinga er 31.01.2023. Viss fristen ikkje kan møtast, ber vi om tilbakemelding om når saka kan handsamast i kommunen. Vi legg til grunn at busettinga i kommunen kan fortsette i påvente av politisk handsaming i kommunen i tråd med praksis.

Når vedtak vert fatta, ber vi kommunen om å:

- sende skriftleg kopi av vedtaket til post@imdi.no med kopi til KS ved nina.gran@ks.no og til fylkeskommunen
- registrere vedtakstalet i IMDi sitt fagsystem for busetting (IMDinett) etter at oppmodinga er mottatt digitalt. For rettleiing, sjå: [Kommunens vedtak og planlegging | IMDi](#)

Aktuelle tilskotsordningar

- Kommunar som busetter flyktingar får utbetalt integreringstilskot. Tilskotet vert utbetalt etter at flyktingen er busett. Tilskotet skal medverke til at kommunane arbeider aktivt

med busetting og integrering for at flyktningane skal kome i arbeid, forsørge seg sjølv og delta i samfunnet så raskt som mogleg.

- Kommunar som busetter einslege mindreårige flyktningar mottar eit særskilt tilskot i tillegg til integreringstilskotet. Tilskotet blir utbetalt etter at flyktningen er busett.
- Nokre flyktningar har eit særskilt behov for oppfølging og tilrettelegging på grunn av funksjonsevne og/eller åtferdsvanskar. Kommunar som busetter flyktningar, må rekne med at einkilde personar har slike særskilte behov. Kommunar som busetter personar med lågare funksjonsevne og/eller åtferdsvanskar kan søke tilskot frå IMDi for å dekke ekstraordinære utgifter.
- Kommunar kan og motta tilskot for vaksne innvandrarak som har rett og plikt til opplæring i norsk og samfunnskunnskap.

Les meir om tilskot på IMDi sine nettsider: <https://www.imdi.no/tilskudd/>

Kontakt

Ta kontakt med IMDi ved spørsmål kring oppmodinga. IMDi kan nås på telefon 40 00 19 60 og e-post: post@imdi.no. Sjå også oppdatert informasjon på imdi.no.

Med helsing

Libe Rieber-Mohn
direktør
Integrerings- og mangfaldsdirektoratet

Kopimottakarar:

Kommunesektorens organisasjon – KS

Fylkeskommune